



**IZVJEŠTAJ
O REVIZIJI FINANSIJSKIH IZVJEŠTAJA
FEDERALNOG MINISTARSTVA RASELJENIH OSOBA I IZBJEGLICA**

na dan 31.12.2013. godine

Broj: 03-22/13

Sarajevo, juni 2014. godine

SADRŽAJ

I.	NEZAVISNO REVIZORSKO MIŠLJENJE	1
II.	IZVJEŠTAJ O OBAVLJENOJ REVIZIJI FINANSIJSKIH IZVJEŠTAJA	3
1.	Uvod	3
2.	Predmet, cilj i obim revizije	3
3.	Postupanje po preporukama iz prethodnog izvještaja	3
4.	Sistem internih kontrola	4
5.	Izvršenje budžeta	5
5.1	Rashodi, izdaci i finansiranje	5
5.1.1	Tekući transferi	5
5.1.1.1	Transfer za raseljena lica i povratnike	6
5.1.1.2	Program realizacije projekata održivosti povratka za 2012. godinu, na prostoru Republike Srpske	8
6.	Imovina, obaveze i izvori sredstava	10
7.	Ostali nalazi	10
7.1.1	Realizacija Projekta Rekonstrukcija i obnova devastiranih stambenih zgrada na području Grada Mostara	10
8.	Komentar	10
III.	REZIME DATIH PREPORUKA	11
IV.	PRILOG FINANSIJSKI IZVJEŠTAJI	1
	Pregled rashoda budžeta za 2013. godinu	1
	Bilans stanja na dan 31.12.2013. godine	1

I. NEZAVISNO REVIZORSKO MIŠLJENJE

Osnova za reviziju

Izvršili smo reviziju finansijskih izvještaja **Federalnog ministarstva raseljenih osoba i izbjeglica** za 2013. godinu (Račun prihoda i rashoda, Bilans stanja, Izvještaj o kapitalnim izdacima i finansiranju, Posebni podaci o plaćama i broju zaposlenih, Godišnji izvještaj o izvršenju budžeta) na dan 31. decembar 2013. godine i usklađenosti poslovanja sa važećim zakonskim i drugim relevantnim propisima.

Odgovornost rukovodstva za finansijske izvještaje

Rukovodstvo Federalnog ministarstva raseljenih osoba i izbjeglica odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja, tj. Zakonom o budžetima u FBiH, Uredbom o računovodstvu budžeta u FBiH i Pravilnikom o finansijskom izvještavanju i godišnjem obračunu budžeta u FBiH. Ova odgovornost obuhvata kreiranje, primjenu i održavanje internih kontrola koje su relevantne za pripremu i fer prezentaciju finansijskih izvještaja koji ne sadrže materijalno značajne pogrešne iskaze nastale usljed prevare i greške, kao i odabir i primjenu odgovarajućih računovodstvenih politika i računovodstvene procjene koje su razumne u datim okolnostima.

Pored odgovornosti za pripremu i fer prezentaciju finansijskih izvještaja, rukovodstvo Federalnog ministarstva raseljenih osoba i izbjeglica je odgovorno i za usklađenost poslovanja sa važećim zakonskim i drugim relevantnim propisima, uključujući i odredbe zakona i propisa na osnovu kojih su transakcije i iznosi objavljeni u finansijskim izvještajima.

Odgovornost revizora

Naša je odgovornost da izrazimo mišljenje o finansijskim izvještajima na osnovu provedene revizije. Reviziju smo izvršili u skladu sa Zakonom o reviziji institucija u FBiH ("Službene novine FBiH", broj 22/06) i primjenjivim Međunarodnim standardima Vrhovnih revizorskih institucija (ISSAI). Ovi standardi nalažu da radimo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji ne sadrže materijalno značajne pogrešne iskaze. Revizija uključuje provođenje postupaka u cilju pribavljanja revizorskih dokaza o iznosima i objavama datim u finansijskim izvještajima. Izbor postupka je zasnovan na prosuđivanju revizora, uključujući procjenu rizika materijalno značajnih pogrešnih iskaza u finansijskim izvještajima usljed prevare i greške. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja, u cilju odabira revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efikasnosti internih kontrola. Revizija takođe uključuje ocjenu primijenjenih računovodstvenih politika i značajnih procjena izvršenih od strane rukovodstva, kao i ocjenu opšte prezentacije finansijskih izvještaja.

Pored odgovornosti za izražavanje mišljenja o finansijskim izvještajima, naša odgovornost je izražavanje mišljenja o tome da li su finansijske transakcije i informacije, po svim bitnim pitanjima, usklađene sa odgovarajućim zakonskim propisima. Ova odgovornost uključuje provođenje procedura, kako bi se dobili revizorski dokazi o tome da li se sredstva koriste za namjene utvrđene zakonima i propisima. Procedure uključuju procjenu rizika od značajnog neslaganja sa zakonima.

Smatramo da su pribavljeni revizorski dokazi dovoljni i odgovarajući i da obezbjeđuju osnov za naše mišljenje.

Osnova za izražavanje mišljenja:

- 1. Ne može se potvrditi da je Ministarstvo u potpunosti u skladu sa zakonskim i podzakonskim propisima poduzimalo adekvatne aktivnosti na pravovremenoj raspodjeli budžetskih sredstava krajnjim korisnicima i da je osiguralo nadzor nad realizacijom i namjenskim utroškom doznačenih sredstava na osnovu Programa realizacije projekata održivosti povratka za 2012. godinu na prostoru Republike Srpske, koji je donijela Vlada FBiH 14.05.2012. godine u ukupnom iznosu od 14.000.000 KM. Navedenim Programom**

utvrđen je period realizacije maj – decembar 2012. godine, a sredstva su obezbijeđena u Budžetu za 2012. godinu. Od dijela sredstava koji se odnosi na Ministarstvo u iznosu od 5.200.000 KM, realizovano je 4.163.188 KM, a na dan 31.12.2013. godine na poziciji Razgraničeni ostali rashodi iskazana su nerealizovana sredstva u iznosu od 1.036.557 KM. U navedenom slučaju nije postupljeno u skladu sa članom 32. Zakona o budžetima u FBiH i članom 16. Zakona o izvršavanju budžeta FBiH za 2013. godinu (tačka 5.1.3.2 Izvještaja).

Pozitivno mišljenje

Po našem mišljenju finansijski izvještaji **Federalnog ministarstva raseljenih osoba i izbjeglica**, po svim bitnim pitanjima prikazuju istinito i objektivno stanje imovine i obaveza na dan 31.12.2013. godine, rezultate poslovanja i izvršenja budžeta za godinu koja se završava na taj dan, u skladu sa prihvaćenim okvirom finansijskog izvještavanja.

Finansijske transakcije i informacije prikazane u finansijskim izvještajima Federalnog ministarstva raseljenih osoba i izbjeglica u toku 2013. godine bile su u svim značajnim aspektima, osim za kvalifikaciju navedenu pod tačkom 1., usklađene sa odgovarajućim zakonskim i drugim propisima.

Sarajevo, 30.06.2014. godine

Zamjenik generalnog revizora

Branko Kolobarić, dipl. oec.

Generalni revizor

Dr. sc. Ibrahim Okanović, dipl. oec.

II. IZVJEŠTAJ O OBAVLJENOJ REVIZIJI FINANSIJSKIH IZVJEŠTAJA

1. Uvod

Federalno ministarstvo raseljenih osoba i izbjeglica (u daljem tekstu Ministarstvo) formirano je na osnovu Zakona o federalnim ministarstvima i drugim tijelima federalne uprave („Službene novine FBiH“ broj 19/03, 38/05, 2/06, 8/06, 61/06). Ministarstvo obavlja upravne, stručne i druge poslove iz nadležnosti Federacije, koji se odnose na prikupljanje i obradu podataka o izbjeglicama i raseljenim osobama, koordiniranje aktivnosti rekonstrukcije zajedno sa registrovanjem i nadzorom nevladinih organizacija, stvaranje uslova za povratak raseljenih osoba u njihova mjesta stanovanja, uključujući izgradnju, rekonstrukciju, sanaciju i popravku kuća i drugih stambenih objekata za potrebe smještaja izbjeglica i raseljenih osoba, održavanje regionalnih centara za pomoć u obavljanju svojih aktivnosti i druge poslove utvrđene zakonom.

Sredstva za rad Ministarstva osiguravaju se u Budžetu FBiH. Pravilnikom o unutrašnjoj organizaciji za izvršavanje poslova i zadataka iz nadležnosti Ministarstva utvrđeno je 89 izvršilaca, dok je budžet odobren za 63 zaposlenika. Na dan 31.12.2013. godine u Ministarstvu je bilo 62 zaposlena.

Sjedište Ministarstva je u Sarajevu, u ulici Alipašina 41.

2. Predmet, cilj i obim revizije

Predmet revizije su finansijski izvještaji Ministarstva za 2013. godinu i usklađenost poslovanja sa važećim zakonskim i drugim relevantnim propisima.

Cilj revizije finansijskih izvještaja je da omogući revizoru da izrazi mišljenje o finansijskim izvještajima koji su predmet revizije, tj. da li finansijski izvještaji, u materijalno značajnom smislu, objektivno i istinito prikazuju finansijsko i materijalno stanje Ministarstva na dan 31.12.2013. godine, izvršenje budžeta za godinu koja se završava na taj dan, da li je poslovanje usklađeno sa važećim zakonskim i drugim relevantnim propisima, da li je trošenje javnih sredstava namjensko, te da li su finansijski izvještaji sačinjeni u skladu sa posebnim propisima o računovodstvu i finansijskom izvještavanju u javnom sektoru.

Revizija je obavljena u skladu sa internim planskim dokumentima revizije, u periodu od decembra 2013. godine do jula 2014. godine.

S obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

3. Postupanje po preporukama iz prethodnog izvještaja

Na osnovu izvršene revizije finansijskih izvještaja za 2013. godinu, a u sklopu iste i provjere da li je postupljeno po preporukama datim u prethodnim revizijama, konstatovali smo:

Ministarstvo je **postupilo** po datim preporukama koje se odnose na:

- iskazivanja realizacije transfera i evidentiranje deponovanih novčanih sredstava na poziciji Razgraničeni ostali rashodi u skladu sa Uredbom o računovodstvu budžeta u FBiH i Računovodstvenim politikama za federalne budžetske korisnike i Trezor;
- poduzete aktivnosti da se Planom povratka, obnove, gradnje i razvoja održivog povratka utvrdi na osnovu kojih raspisanih javnih poziva će se vršiti odabir korisnika za dodjelu pomoći;
- poduzete aktivnosti u saradnji sa nadležnim institucijama i organima na cjelovitom rješavanju pitanja podnesenih tužbi u cilju smanjenja sudskih troškova, zatezних kamata i troškova osnovnog duga;
- poduzete aktivnosti kako bi se u skladu sa Zakonom o budžetima u FBiH i Uredbom o računovodstvu budžeta u FBiH izvršilo evidentiranje obaveza po pravomoćnim sudskim

presudama – izvršnim sudskim rješenjima u Glavnoj knjizi Trezora u cilju istinitog i tačnog iskazivanja obaveza i realnog planiranja njihovog izvršenja.

Ministarstvo je **djelimično postupilo** po datim preporukama koje se odnosi na:

- poduzete aktivnosti u saradnji sa Federalnim ministarstvom razvoja, poduzetništva i obrta, kao i Federalnim ministarstvom poljoprivrede, vodoprivrede i šumarstva, svako u okviru svojih nadležnosti na realizaciji i nadzoru nad plasiranim budžetskim sredstvima za realizaciju Programa realizacije održivosti povratka na prostoru Republike Srpske, skupa sa Turkish Zirat Bank Bosnia d.d. Sarajevo;
- poduzete aktivnosti u okviru svoje nadležnosti kako bi svi potpisnici Sporazuma o udruživanju sredstava i načinu realizacije sredstava za podršku procesa povratka za 2009. i 2010. godinu, koji se realizuje putem Fonda za povratak BiH, izvršili preuzete obaveze u cilju okončanja predviđenih projekata, ali koje nisu rezultirale izvršavanjem obaveza;
- u skladu sa svojim nadležnostima poduzeze aktivnosti u dijelu provedbe zaključenog Sporazuma o zajedničkom finansiranju rekonstrukcije i obnove devastiranih stambenih zgrada na području Grada Mostara, a u cilju realizacije istog u potpunosti;
- izvršena je dopuna Pravilnika o internoj kontroli u dijelu definisanja procjene rizika za sve poslovne aktivnosti Ministarstva, ali ne možemo potvrditi da je osigurana dosljedna primjena svih pisanih procedura i pravila, kao i praćenje sistema internih kontrola, radi uspostave funkcionalnog sistema internih kontrola.

4. Sistem internih kontrola

Pravilnikom o unutrašnjoj organizaciji utvrđena je unutrašnja organizacija i način rada Ministarstva i istim su utvrđeni poslovi i zadaci svakog radnog mjesta, broj izvršilaca, status izvršilaca po radnim mjestima i potrebni uslovi za vršenje poslova radnih mjesta. Novim Pravilnikom o unutrašnjoj organizaciji Ministarstva, koji je donesen 26.06.2013. godine, uz prethodnu saglasnost Vlade FBiH, V. broj 498/2013 od 13.06.2013. godine, predviđeno je sedam organizacijskih jedinica: Kabinet ministra, Sektor za pravne, finansijske i opće poslove, Sektor za razvojne projekte održivosti povratka, Sektor za raseljene osobe, povratnike, izbjeglice, readmisiju i dijasporu, Sektor za humanitarnu djelatnost i razvojnu pomoć EU fondova, Inspektorat i Jedinica za internu reviziju. U Ministarstvu je sistematizovano 89 radnih mjesta (što je za 5 više u odnosu na broj utvrđen prethodnim Pravilnikom), a na dan 31.12.2013. godine bila su zaposlena 62 izvršioaca.

Pravilnikom o unutrašnjoj organizaciji i Pravilnikom o internoj kontroli uspostavlja se funkcionalan sistem internih kontrola. Odgovornost za uspostavljanje i primjenu sistema internih kontrola je obaveza rukovodstva Ministarstva. **Pravilnikom o internim kontrolama – internim kontrolnim postupcima** rukovodstvo je normativno definisalo kontrolne postupke, postupke informisanja i komunikacija i procjenu rizika za sve poslovne aktivnosti koje se odvijaju u Ministarstvu. Izvršena je procjena funkcionisanja sistema internih kontrola kako bi se uvjerali da li uspostavljene interne kontrole osiguravaju tačnu i potpunu računovodstvenu evidenciju, potpunu primjenu i usklađenost sa zakonima i propisima, pouzdanost finansijskog izvještavanja, ekonomično, efikasno i efektivno trošenje i zaštitu javnog novca.

Pored navedenog u Izvještaju, utvrđeno je da se pojedine kontrolne aktivnosti ne provode na način kako je definisano donesenim procedurama kod korištenja službenih vozila i sl. Takođe, nije uspostavljen funkcionalan sistem internih kontrola kod praćenja realizacije pojedinih ugovora, odnosno praćenja ugovorene i fakturisane vrste i cijene robe, odnosno usluga. Na navedene propuste ukazano je u Pismu menadžmentu.

Interna revizija

U skladu sa **Zakonom o internoj reviziji u javnom sektoru u FBiH** ministar je odgovoran za uspostavljanje i funkcionisanje adekvatnog i efikasnog finansijskog upravljanja i sistema kontrola, a u skladu sa Pravilnikom o internoj reviziji, ministar je odgovoran za uspostavljanje i adekvatno funkcionisanje interne revizije u Ministarstvu. Pravilnikom o unutrašnjoj organizaciji, koji je donesen u 2013. godini, uspostavljena je **Jedinica za internu reviziju** sa predviđena četiri radna mjesta, pomoćnikom ministra i 3

stručna savjetnika – interna revizora. Ministar je rješenjem postavio državnog službenika na radno mjesto stručni savjetnik – interni revizor u Jedinici za internu reviziju, a nakon toga privremeno od 01.09.2013. godine istog ovlastio za privremeno obavljanje poslova pomoćnika ministra u Jedinici za internu reviziju. Na osnovu Strateškog plana interne revizije, ministar je donio Godišnji plan interne revizije za 2013. godinu. Izvještaj o radu interne revizije za 2013. godinu, dostavljen je Federalnom ministarstvu finansija – Centralnoj harmonizacijskoj jedinici.

Poboljšati funkcionisanje sistema internih kontrola u cilju otklanjanja utvrđenih nedostataka i dosljedne primjene svih internih procedura Ministarstva.

5. Izvršenje budžeta

U Godišnjem izvještaju o izvršenju budžeta za 2013. godinu iskazani su rashodi i izdaci u iznosu od 27.380.271 KM, što predstavlja izvršenje 94,92% od 28.846.496 KM zakonskih odobrenih sredstava za fiskalnu 2013. godinu. Odobrena sredstva su umanjena od strane Federalnog ministarstva finansija za 1.256.646 KM (plaće i naknade zaposlenih i doprinosi 19.543 KM, tekući transferi 1.200.000 KM i izdaci za nabavku stalnih sredstava 37.103 KM), za koje nam nije prezentiran poseban dokumenat i obrazloženje.

Struktura iskazanih rashoda i izdataka je slijedeća: tekući transferi 85,62% (23.443.746 KM), primanja zaposlenih i doprinosi 7,08% (1.937.466 KM), kapitalni transfer 5,42% (1.484.831 KM), izdaci za materijal i usluge 1,83% (501.344 KM) i nabavka opreme 0,05% (12.884 KM).

Pregled rashoda budžeta za 2013. godinu, dat je u Prilogu IV Izvještaja.

5.1 Rashodi, izdaci i finansiranje

5.1.1 Tekući transferi

Tekući transferi su iskazani u iznosu od 23.443.746 KM, što u odnosu na odobrena sredstava u iznosu od 24.760.000 KM predstavlja ostvarenje od 94,68%. Navedeni iznos se odnosi na **Tekuće transfere pojedincima 23.398.196 KM i Transfer neprofitnim organizacijama 45.550 KM**. Tekući transfer pojedincima čine **Transfer za raseljena lica i povratnike 18.556.720 KM** (u okviru koga su i sredstva tekuće rezerve Vlade FBiH realizovana u iznosu od 14.932 KM, odobrena za realizaciju programskih aktivnosti obilježavanja 18. godišnjice genocida nad Bošnjacima u iznosu od 15.000 KM, (V. broj 696/2013 od 09.07.2013. godine), **Transfer pojedincima – Podrška povratku izbjeglica i prognanih osoba sa područja Posavine iz RS 1.903.896 KM i Tekući transfer za programe podrške razvoja održivosti povratka u Republiku Srpsku 2.937.580 KM**. **Transfer neprofitnim organizacijama** realizovan je na osnovu Odluke Vlade FBiH o odobravanju sredstava Tekuće rezerve Vlade FBiH u iznosu od 45.550 KM, na ime finansijske pomoći za realizaciju ciljeva Koalicije 1. mart Srebrenica, koja su u potpunosti realizovana (V. broj 89/2013 od 06.02.2013. godine). Odobrena sredstva za Fond za povratak BiH u iznosu od 1.200.000 KM nisu bila operativna, obzirom da nisu odobrena od strane Federalnog ministarstva finansija.

Plan povratka, obnove, gradnje i razvoja održivog povratka za 2013. godinu, Ministarstvo je sačinilo nakon usvajanja Budžeta FBiH za 2013. godinu, koji je Vlada FBiH usvojila Zaključkom V. broj: 244/2013 od 11.03.2013. godine. Kao i u prethodnom periodu, Planom je navedeno da je u cilju realizacije Aneksa VII Dejtonskog mirovnog sporazuma za BiH, neophodno nastaviti aktivnosti na obezbjeđivanju pretpostavki za povratak i njegovu održivost. Osnovne pretpostavke u realizaciji navedenog cilja su obnova devastiranog stambenog fonda, ekonomska održivost, ruralni razvoj, obnova infrastrukture u povratničkim naseljima i reintegracija povratnika u lokalnu zajednicu.

Struktura tekućih i kapitalnih transfera Ministarstva za 2013. godinu data je u slijedećoj tabeli:

Red. broj	Naziv transfera	Budžet za 2013.g.	Tekuća rezerva Vlade FBiH	Realizovano u 2013. g.	Realizovano u 2012.g.	Index (5/6) x 100
1	2	3	4	5	6	7
1.	Tekući transferi pojedincima	24.760.000		23.398.196	24.805.322	94,33
1.1	Tekući transfer pojedincima - Transfer za raseljena lica i povratnike	19.760.000	15.000	18.556.720	19.807.919	93,68
1.2	Transferi pojedincima - podrška povratku izbjeglica i prognanih osoba sa područja Posavine RS	2.000.000		1.903.896	1.997.403	95,32
1.3	Tekući transfer za programe podrške razvoja održivosti povratka u RS	3.000.000		2.937.580	-	-
1.4	Tekući transfer za programe podrške razvoja regije Srebrenica	-		-	3.000.000	-
2.	Tekući transferi neprofitnim organizacijama	-	45.550	45.550	57.900	78,67
Tekući transferi (1+2)		24.760.000	60.550	23.443.746	24.863.222	94,29
1.	Kapitalni transfer – podrška implementaciji održivog povratka izbjeglih i prognanih osoba sa područja regije Srebrenica	1.485.000		1.484.831	1.482.805	100,14
Kapitalni transfer		1.485.000		1.484.831	1.482.805	100,14
Ukupni transferi		26.245.000	60.550	24.928.577	26.346.027	94,62

5.1.1.1 Transfer za raseljena lica i povratnike

Transfer za raseljena lica i povratnike iskazan je u iznosu od 18.556.720 KM, a odobren je u iznosu od 19.775.000 KM. Na prijedlog Ministarstva Vlada FBiH je 22.02.2013.godine donijela **Odluku o usvajanju Programa utroška sredstava sa kriterijima raspodjele sredstava - Transfer za raseljena lica i povratnike utvrđenih Budžetom FBiH za 2013. godinu** (u daljem tekstu: Program utroška sredstava). Navedenim Programom utvrđeni su opći i posebni kriteriji po kojima će se vršiti realizacija sredstava, kao i procedurama za raspodjelu sredstava za svaki program posebno, donesenim u 2011., 2012. i 2013. godini. U okviru navedenog iznosa su i sredstva odobrena po osnovu Odluke o odobravanju izdvajanja sredstava Tekuće rezerve Vlade FBiH za realizaciju programskih aktivnosti, odnosno obilježavanje 18. godišnjice genocida nad Bošnjacima u iznosu od 15.000 KM (V. broj 696/2013 od 09.07.2013. godine), a koja su realizovana u iznosu od 14.931 KM.

Struktura izvršenja Transfera za raseljena lica i povratnike data je u slijedećoj tabeli: u KM

Red. br.	NAZIV PROGRAMA	Program utroška sredstava za 2013. g.	Tekuća rezerva Vlade FBiH	Realizacija u 2013. g.	Index (5/3) x 100
1	2	3	4	5	6
1.	Fond za povratak BiH	1.200.000	-	-	0,00
2.	Rekonstrukcija i obnova individualnih stambenih objekata i objekata zajedničkog tipa stanovanja	6.000.000		5.984.507	99,74
3.	Zajednički projekti rekonstrukcije, obnove i održivosti povratka sa vladinim i nevladinim sektorom	2.800.000		2.800.000	100,00
4.	Projekti održivosti povratka	8.286.000		8.283.325	99,97
5.	Humanitarni, zdravstveni, psihosocijalni, informativni i edukativni projekti, troškovi implementacije CEB projekta, OPEK-a i zajednički projekti, stvaranje međusobnog povjerenja povratnika i domicilnog stanovništva, podrška reintegracije povratnika po osnovu sporazuma o readmisiji, te projekti saradnje sa dijasporom	874.000		873.965	99,99
6.	Podrška obilježavanju godišnjica i ukopa nevinih žrtava rata, kao izgradnja spomen obilježja na prostoru BiH	600.000		599.992	99,99
UKUPNO:		19.760.000		18.541.789	93,83
7.	Tekuća rezerva Vlade FBiH za realizaciju programskih aktivnosti, odnosno obilježavanje 18.godišnjice genocida nad Bošnjacima, V. broj 696/2013 od 09.07.2013. godine	-	15.000	14.931	99,54
SVEUKUPNO TRANSFER:		19.760.000	15.000	18.556.720	93,84

Vezano za realizaciju sredstava putem **Fonda za povratak BiH** konstatovano je da Ministarstvo za ljudska prava i izbjeglice BiH, Federalno ministarstvo raseljenih osoba i izbjeglica, Ministarstvo za izbjeglice i raseljena lica Republike Srpske, Vlada Brčko Distrikta BiH zaključuju sporazum kojim jedan dio budžetskih sredstava osiguranih u svojim budžetima, udružuju u Fond za povratak u funkciji realizacije zajedničkih projekata za ostvarivanje prava iz Aneksa VII Dejtonskog mirovnog sporazuma, koje odobri Komisija za izbjeglice i raseljena lica BiH. **Sporazumom o udruživanju i načinu realizacije sredstava za 2012. i 2013. godinu** (juli 2013. godine), Ministarstvo je preuzelo obavezu uplate sredstava od 1.200.000 KM, koja je planirana, a nije realizovana u 2013. godini. Sporazumom je utvrđeno da ako iz objektivnih razloga tokom budžetske godine dođe do rebalansa tj. smanjenja budžeta za 2013. godinu u entitetima i na državnom nivou za potrebe povratka, izbjeglice i raseljena lica, Komisija zadržava pravo i obavezu da će u zavisnosti od novonastalih okolnosti praviti izmjene i dopune Sporazuma. Takođe, istim je uređena obaveza Fonda da polugodišnje i godišnje izvještava ugovorene strane o realizaciji projekata koji se finansiraju iz udruženih sredstava, a nakon što izvještaj prethodno usvoji Komisija za izbjeglice i raseljena lica BiH. U izvještaju o reviziji prethodne godine, navedeno je da je Ministarstvo preuzete obaveze po osnovu Sporazuma o udruživanju sredstava i načinu realizacije sredstava za podršku procesa povratka za 2009. i 2010. godinu, u cjelini izmirilo u 2011. godini. Navedeni Sporazum zaključen je između Ministarstva za ljudska prava i izbjeglice BiH, Federalnog ministarstva raseljenih osoba i izbjeglica, Ministarstva za izbjeglice i raseljena lica Republike Srpske, Vlade Brčko Distrikta BiH, Fonda za povratak BiH i Komisije za izbjeglice i raseljena lica BiH. Sporazum o udruživanju sredstava za 2011. i 2012. godinu, nije zaključen, obzirom da je Komisija za ljudska prava i izbjeglice BiH formirana tek u oktobru 2012. godine.

Prema prezentiranom **Izvještaju o finansijskoj realizaciji programa finansiranja prava iz Aneksa VII Dejtonskog mirovnog sporazuma za period 01.01.2013. do 31.12.2013. godine**, konstatovano je da Ministarstvo za izbjeglice i raseljena lica Republike Srpske nije izmirilo obaveze za 2009. godinu od 3.941.455 KM i za 2010. godinu od 400.000 KM. U Izvještaju je takođe navedeno da finansijska realizacija odobrenih projekata za 2012. i 2013. godinu još nije započela. Napominjemo da je Ministarstvo za izbjeglice i raseljena lica Republike Srpske potpisalo Sporazumu za 2012. i 2013. godinu, ali nije preuzelo obavezu udruživanja finansijskih sredstava, već samo stavlja na raspolaganje ljudske kapacitete, kao i logistiku neophodnu za realizaciju zajedničkih projekata koje odobri Komisija. Iako Ministarstvo za izbjeglice i raseljena lica Republike Srpske nije izmirilo preuzete obaveze u iznosu od 4.341.455 KM, a nije ni udružilo finansijska sredstva po Sporazumu za 2012. i 2013. godinu, sredstva Fonda za povratak BiH se ulažu na cijelom području BiH.

Potrebno je da Ministarstvo u okviru svoje nadležnosti poduzme aktivnosti kako bi svi potpisnici Sporazuma o udruživanju sredstava i načinu realizacije sredstava za podršku procesa povratka za 2009. i 2010. godinu, koji se realizuje putem Fonda za povratak BiH, izvršili preuzete obaveze u cilju okončanja projekata predviđenih istim, a u slučaju neizmirenja preuzetih obaveza od strane potpisnika sporazuma, preispitati opravdanost ulaganja sredstava iz budžeta FBiH, obzirom da se bez obzira na ulaganja, sredstva Fonda za povratak ulažu na cijelom području BiH.

Plan monitoringa, kontrolu namjenskog utroška sredstava realizovanih na poziciji transfera iz Budžeta FBiH za 2013. godinu, Ministarstvo je sačinilo u 2014. godini. Dio aktivnosti je obavljen, a prema izjavi odgovorne osobe, obzirom da su zaposlenici koji su trebali izvršiti monitoring nad namjenskim utroškom sredstava transfera bili angažovani kod pomoći u poplavama ugroženim područjima BiH, aktivnosti će se nastaviti u narednom periodu.

Potrebno je poduzeti aktivnosti kako bi se u potpunosti izvršio monitoring nad namjenskim utroškom sredstava transfera Ministarstva realizovanih iz Budžeta FBiH u skladu sa zaključenim ugovorima o namjenskom utrošku.

5.1.1.2 Program realizacije projekata održivosti povratka za 2012. godinu, na prostoru Republike Srpske

U skladu sa **Programom realizacije projekata održivosti povratka za 2012. godinu na prostoru Republike Srpske** i Odluci o usvajanju istog, donesenim od strane Vlade FBiH¹, Ministarstvo je pripadajući iznos od **5.200.000 KM** evidentiralo u 2012. godini na način da je iznos od **3.000.000 KM** iskazan na poziciji Tekućeg transfera za programe podrške razvoja Regije Srebrenica, iznos od **1.500.000 KM** (1.499.745 KM) na poziciji Transfera za raseljena lica i povratnike za Projekte održivosti povratka i **700.000 KM** na poziciji Transfera pojedincima – potpora povratku izbjeglica i prognanih osoba sa područja Posavine RS.

Ukupna sredstva za realizaciju Programa održivosti na prostoru Republike Srpske predviđena u iznosu od **14.000.000 KM** dajemo u slijedećoj tabeli: u KM

R. br.	Program održivosti povratka za 2012. g. na prostoru Republike Srpske (implementatori)	Ukupno odobrena sredstva za realizaciju programa na teret 2012. g.	Investicije, projekti i obrtna sredstva u maloj privredi i poljoprivredi kroz sufinansiranje putem banke (70 % kredit: 30 % grant)	Izgradnja i opremanje farmi i stajskih objekata, te dodjela poljoprivredne mehanizacije i staklenika (70 % grant: 30 % kredit ili vlastita sredstva)
1	2	3	4	5
1.	Federalno ministarstvo poljoprivrede, vodoprivrede i šumarstva	7.800.000	2.000.000	5.800.000
2.	Federalno ministarstvo raseljenih osoba i izbjeglica	5.200.000	5.000.000	200.000
3.	Federalno ministarstvo razvoja, poduzetništva i obrta	1.000.000	1.000.000	-
	UKUPNO:	14.000.000	8.000.000	6.000.000

Vezano za realizaciju Programa održivosti povratka na prostoru Republike Srpske, ministri naprijed navedena tri ministarstva su sa Turkish Zirat Bank Bosnia d.d. Sarajevo 04.06.2012. godine potpisali **Sporazum o uslovima i načinu realizacije sredstava od 8.000.000 KM** i 26.09.2012. godine **Ugovor o međusobnim pravima i obavezama za realizaciju 97.791.500 KM kreditnih sredstava Banke**, po osnovu kojeg je isti dan, tj. 26.09.2012. godine zaključen Ugovor o otvaranju i vođenju namjenskog računa depozita – transfera (Broj 53011100**58019977000**). Dana 05.11.2012. godine od strane istih potpisan je **Ugovor o međusobnim pravima i obavezama za realizaciju 6.000.000 KM** po osnovu kojeg je isti dan tj. 05.11.2012. godine zaključen drugi Ugovor o otvaranju i vođenju namjenskog računa depozita – transfera (Broj 53011100**58891977000**).

Vezano za realizaciju navedenih sredstava, Vlada FBiH je do 31.12.2013. godine donijela četiri (4) odluke o odobravanju grant sredstava u ukupnom iznosu od **12.270.698 KM** (V. broj 1589/2012 od 22.11.2012. godine; V. broj 1.592/2012 od 22.11.2012. godine, V. broj 1672/2012 od 27.12.2012. godine i V. broj 651/2013 od 09.07.2013. godine). Od navedenog iznosa na ovo Ministarstvo se odnosi **4.163.698 KM**, od toga 3.963.698 KM se odnosi na grant sredstva za šesnaest (16) privrednih subjekata, a 200.000 KM, na ime pomoći u vidu dodjele poljoprivredne mehanizacije, koje je realizovano u 2012. godini za 11 korisnika u iznosu od 199.745 KM.

Na osnovu odluka ministra pod 31.12.2012. godine, na poziciji izvršenja navedenih transfera iskazan je ukupan rashod u iznosu od 5.200.000 KM. Istovremeno za sredstva u iznosu od **1.500.000 KM** (1/2 sredstava Tekućeg transfera za programe podrške regije Srebrenica), koja su 14.12.2012. godine doznačena Turkish Zirat Bank Bosnia d.d. Sarajevo, iskazana je obaveza prema navedenoj Banci, koja su radi praćenja, a prema Instrukciji Federalnog ministarstva finansija iskazana i u Vanbilansnoj evidenciji. Preostali iznos od 3.700.000 KM, evidentiran je na poziciji Razgraničeni ostali rashodi. Od iznosa doznačenih sredstava Banci od 1.500.000 KM, u 2013. godini sredstva su u cjelini doznačena korisnicima sredstava (ALEMKO COMERC

¹ Vlada FBiH je 14.05.2012. godine donijela poseban Program održivosti povratka za 2012. godinu na prostoru Republike Srpske (V broj 750/2012) i Odluku o usvajanju Programa realizacije „Projekata održivosti povratka za 2012. godinu na prostoru Republike Srpske“ (V broj 886/2012 od 04.06.2012. godine i V broj 261/13 od 05.04.2013.godine).

OIL doo Sarajevo, PJ. Bratunac 85.700 KM, DRINA BENZ doo Zvornik 222.000 KM, IZAZOV doo Kalesija 300.000 KM, OBNOVA ZK doo Osmaci 171.000 KM, PLANINSKI STUDENAC doo Zvornik 428.570 KM, PVC - KARIĆ zanatsko trgovinska radnja Zvornik 30.000 KM, KRANING doo Lukavac 150.000 KM, TB INŽINJERING doo Breza 112.730 KM, dio od ukupno odobrenih sredstava od 450.000 KM).

Od 3.700.000 KM iskazanog na poziciji Razgraničeni ostali rashodi, dio od 859.745 KM realizovan je u 2012. godini (ITC doo Zenica 199.745 KM, BETON GAL doo Sanski Most, PJ. Prijedor 300.000 KM, MTH ARI doo Sarajevo 60.000 KM, FORTEX doo Gračanica 300.000 KM), a dio od 1.803.698 KM realizovan je u 2013. godini (THEMA doo Podružnica Modriča 105.000 KM, TOTAL PLUS doo Prijedor 450.000 KM, TB INŽINJERING doo Breza 337.270 KM (drugi dio), RATAN SEDIA doo Brčko 450.000 KM, DI&DE DELIĆ doo Bihać 161.428 KM, VELBOS doo Žepče 300.000 KM). Doznaka sredstava korisnicima se vrši putem Trezora FBiH, nakon što korisnik zaključi ugovor sa bankom, ugovor o namjenskom korištenju sa Ministarstvom i nakon odluke ministra o dodjeli nepovratnih grant sredstava. **Na poziciji Razgraničeni ostali rashodi sa 31.12.2013. godine, evidentiran je preostali iznos rezervisanih sredstava od 1.036.557 KM. Napominjemo da je članom 32. Zakona o budžetima u FBiH i članom 16. Zakona o izvršavanju budžeta FBiH za 2013. godinu, utvrđeno da neiskorištene aproprijacije i opterećenja ističu 31.01. naredne fiskalne godine.** Prezentirana je i peta Odluka Vlade FBiH o odobravanju grant sredstava za pet (5) korisnika (V. broj 1580/2013 od 30.12.2013. godine) u iznosu od 666.428 KM, od kojih je Ministarstvo u vrijeme revizije u 2014. godini zaključilo dva ugovora o namjenskom korištenju grant sredstava u ukupnom iznosu od 210.000 KM.

Prema prezentiranom, **Vlada FBiH je na sjednici održanoj 30.01.2014. godine donijela Zaključak V. broj 182/2014 kojim je usvojila Informaciju o provedenom monitoringu do dana 19.12.2013. godine podnesenu od strane Komisije za kontrolu namjenskog utroška grant sredstava po Programu Realizacija projekata održivosti povratka za 2012. godinu na prostoru RS-a.** Na osnovu uvida u prezentiranu Informaciju, konstatovano je da je navedena Komisija izvršila monitoring 102 korisnika donacija grant sredstava u 17 općina sa područja RS-a, koji su bili obuhvaćeni projektom za Izgradnju i opremanje farmi i stajskih objekata, te dodjelu poljoprivredne mehanizacije i staklenika, (70 % grant sredstva, 30 % vlastita sredstva ili kredit), te da je tom prilikom utvrdila da je: 87 krajnjih korisnika namjenski utrošilo sredstva, 2 korisnika su iskoristili grant sredstva za druge namjene, 11 korisnika nisu na dan monitoringa zatečeni na adresi stanovanja, 1 korisnik zbog kasne isporuke građevinskog materijala isti još uvijek nije ugradio i 1 korisnik iz programa izgradnje stajskog objekta po sistemu „ključ u ruke“ uveo je u posao izvođača radova tek 03.12.2013. godine čime je prolongirana sama izgradnja objekta. **Obzirom da je Vlada FBiH 14.05.2012. godine donijela poseban Program realizacije projekata održivosti povratka za 2012. godinu na prostoru Republike Srpske u ukupnom iznosu od 14.000.000 KM, kojim je utvrđen period realizacije maj – decembar 2012. godine, a sredstva obezbijeđena u Budžetu za 2012. godinu, a od dijela koji se odnosi na Ministarstvo u iznosu od 5.200.000 KM, na dan 31.12.2013. godine na poziciji Razgraničeni ostali rashodi iskazana nerealizovana sredstva u iznosu od 1.036.557 KM, ne može se potvrditi da je Ministarstvo u potpunosti u skladu sa zakonskim i podzakonskim propisima poduzimalo adekvatne aktivnosti na pravovremenoj realizaciji budžetskih sredstava krajnjim korisnicima, kao i osiguralo nadzor nad realizacijom i namjenskim utroškom realizovanih 4.163.188 KM. Članom 32. Zakona o budžetima u FBiH i članom 16. Zakona o izvršavanju budžeta FBiH za 2013. godinu, utvrđeno je da neiskorištene aproprijacije i opterećenja ističu 31.01. naredne fiskalne godine.**

Potrebno je da Ministarstvo u saradnji sa Federalnim ministarstvom razvoja, poduzetništva i obrta, kao i Federalnim ministarstvom poljoprivrede, vodoprivrede i šumarstva, svako u okviru svojih nadležnosti poduzme aktivnosti na realizaciji i nadzoru nad plasiranim budžetskim sredstvima za realizaciju Programa održivosti povratka na prostoru Republike Srpske, skupa sa Zirat Bank BiH d.d. Sarajevo.

Potrebno je da se dosljedno postupa u skladu sa članom 58. Zakona o budžetima u FBiH i Zakonom o izvršavanju budžeta FBiH u dijelu koji se odnosi na prenos neiskorištenih aproprijacija i opterećenja budžeta.

6. Imovina, obaveze i izvori sredstava

U finansijskim izvještajima Ministarstva na dan 31.12.2013. godine iskazana su stalna sredstva u vrijednosti 1.186.138 KM (nabavne vrijednosti 1.977.031 KM i ispravke vrijednosti 790.893 KM), novčana sredstva 1.336 KM, kratkoročna potraživanja 6.616 KM, a kratkoročne tekuće obaveze 19.216.897 KM, obaveze prema zaposlenicima 159.597 KM, kratkoročna razgraničenja 1.082.413 KM i izvori stalnih sredstava 1.186.138 KM.

Pregled stanja imovine, obaveza i izvora sredstava dat je u Prilogu IV Izvještaja – Bilans stanja na dan 31.12.2013. godine.

7. Ostali nalazi

7.1.1 Realizacija Projekta Rekonstrukcija i obnova devastiranih stambenih zgrada na području Grada Mostara

Sporazum o zajedničkom finansiranju rekonstrukcije i obnove devastiranih stambenih zgrada na području Grada Mostara, zaključen je od 30.10.2007. godine između Vlade FBiH, Vlade Republike Srpske, Vlade Hercegovinačko - neretvanskog kantona i Grada Mostara. Isti su se obavezali da će osigurati sredstva u iznosu od 12.625.000 KM za utrošak u 2007., 2008. i 2009. godini, da će implementator projekta biti Grad Mostar i da su dužni izmiriti svoje obaveze do 30.04.2009. godine. Nalogodavac za korištenje sredstava je gradonačelnik Grada Mostara. Na ovaj Sporazum Vlada FBiH dala je saglasnost Odlukom od 27.09.2007. godine i odobrila je sredstva od 5.700.000 KM koja su doznačena u cjelokupnom iznosu. Gradonačelnik Grada Mostara kao ovlaštenu predstavnik potpisnicima Sporazuma je obavezan dva puta godišnje dostavljati detaljni pisani izvještaj o realizaciji projekta i podatke o primljenim i utrošenim sredstvima. U prezentiranom Izvještaju o realizaciji Projekta **Rekonstrukcija i obnova devastiranih stambenih zgrada na području Grada Mostara** zaključno sa 01.03.2013. godine, navedeno je da je na poseban račun za ove namjene do 01.03.2013. godine od planiranih 12.625.000 KM, uplaćeno 10.425.000 KM, a svoje obaveze u iznosu od 2.200.000 KM nije uplatio Grad Mostar. U izvještaju je navedeno da ukupna ugovorena vrijednost iznosi 12.132.278 KM, a vrijednost izvedenih radova iznosi 10.505.252 KM. Nisu navedeni razlozi neizvršavanja obaveze od strane Grada Mostara, niti prijedlozi šta uraditi dalje, u cilju izvršavanja utvrđene obaveze.

Potrebno je da Ministarstvo, u skladu sa svojim nadležnostima poduzme aktivnosti u dijelu provedbe zaključenog Sporazuma o zajedničkom finansiranju rekonstrukcije i obnove devastiranih stambenih zgrada na području Grada Mostara, a u cilju realizacije istog u potpunosti.

8. Komentar

Federalno ministarstvo raseljenih osoba i izbjeglica je dostavilo Izjašnjenje na Nacrt izvještaja o izvršenoj reviziji finansijskih izvještaja za 2013. godinu, broj 01-36-1632-3/13 od 24.07.2013. godine. U navedenom Izjašnjenju data su određena pojašnjenja i komentari na date preporuke u Nacrtu izvještaja. Takođe je navedeno da su po pojedinim preporukama poduzete aktivnosti na realizaciji. Detaljno pojašnjenje u vezi dostavljenog Izjašnjenja dato je u Komentaru na dostavljeno Izjašnjenje na Nacrt izvještaja o reviziji finansijskih izvještaja za 2013. godinu, koji je dostavljen menadžmentu Ministarstva uz Konačan Izvještaj.

Rukovodilac Sektora za finansijsku reviziju:

Munib Ovčina, dipl. oec.

Vođa tima:

Kimeta Bihorac, dipl. oec.

Član tima:

Perislav Delić, dipl. oec.

III. REZIME DATIH PREPORUKA

Izvršenom revizijom poslovanja Ministarstva za 2013. godinu konstatovali smo određen broj propusta i nepravilnosti, a u cilju otklanjanja istih dali smo slijedeće preporuke:

- 1. Potrebno je da Ministarstvo u saradnji sa Federalnim ministarstvom razvoja, poduzetništva i obrta, kao i Federalnim ministarstvom poljoprivrede, vodoprivrede i šumarstva, svako u okviru svojih nadležnosti poduzme aktivnosti na realizaciji i nadzoru nad plasiranim budžetskim sredstvima za realizaciju Programa održivosti povratka na prostoru Republike Srpske, skupa sa Zirat Bank BiH d.d. Sarajevo.*
- 2. Potrebno je da se dosljedno postupa u skladu sa članom 58. Zakona o budžetima u FBiH i Zakonom o izvršavanju budžeta FBiH u dijelu koji se odnosi na prenos neiskorištenih aproprijacija i opterećenja budžeta.*
- 3. Potrebno je da Ministarstvo u okviru svoje nadležnosti poduzme aktivnosti kako bi svi potpisnici Sporazuma o udruživanju sredstava i načinu realizacije sredstava za podršku procesa povratka za 2009. i 2010. godinu, koji se realizuje putem Fonda za povratak BiH, izvršili preuzete obaveze u cilju okončanja projekata predviđenih istim, a u slučaju neizmirenja preuzetih obaveza od strane potpisnika sporazuma, preispitati opravdanost ulaganja sredstava iz budžeta FBiH, obzirom da se bez obzira na ulaganja, sredstva Fonda za povratak ulažu na cijelom području BiH.*
- 4. Potrebno je poduzeti aktivnosti kako bi se u potpunosti izvršio monitoring nad namjenskim utroškom sredstava transfera Ministarstva realizovanih iz Budžeta FBiH u skladu sa zaključenim ugovorima o namjenskom utrošku.*
- 5. Potrebno je da Ministarstvo, u skladu sa svojim nadležnostima poduzme aktivnosti u dijelu provedbe zaključenog Sporazuma o zajedničkom finansiranju rekonstrukcije i obnove devastiranih stambenih zgrada na području Grada Mostara, a u cilju realizacije istog u potpunosti.*
- 6. Pobojšati funkcionisanje sistema internih kontrola u cilju otklanjanja utvrđenih nedostataka i dosljedne primjene svih internih procedura Ministarstva.*

IV. PRILOG

FINANSIJSKI IZVJEŠTAJI

Pregled rashoda budžeta za 2013. godinu

Naziv institucije: FEDERALNO MINISTARSTVO RASELJENIH OSOBA I IZBJEGLICA

Opis	Planirano	Ostvareno		Odstupanje (4-2)	Procenat 4/2x100
		u predhodnoj godini	u tekućoj godini		
1	2	3	4	5	6
A. Tekući rashodi (1+2+3+4+5)	26.031.403	27.293.416	25.882.555	-148.848	99,43
1. Plaće i naknade troškova zaposlenih	1.800.440	1.803.497	1.774.077	-26.363	98,54
Bruto plaće i naknade	1.571.724	1.583.050	1.549.456	-22.268	98,58
Naknade troškova zaposlenih i skupštinskih zastupnika	228.716	220.447	224.621	-4.095	98,21
2. Doprinosi poslodavca i ostali doprinosi	165.583	166.220	163.389	-2.194	98,67
3. Izdaci za materijal, sitan inventar i usluge	505.380	460.477	501.344	-4.036	99,20
Putni troškovi	73.000	62.576	72.603	-397	99,46
Izdaci za energiju	31.350	33.966	30.649	-701	97,76
Izdaci za komunikaciju i komunalne usluge	82.900	73.623	80.360	-2.540	96,94
Nabavka materijala i sitnog inventara	58.700	42.851	58.389	-311	99,47
Izdaci za usluge prevoza i goriva	74.300	72.988	74.258	-42	99,94
Unajmljivanje imovine, opreme i nematerijalne imovine	72.870	86.744	72.868	-2	100,00
Izdaci za tekuće održavanje	51.780	45.395	51.747	-33	99,94
Izdaci osiguranja, bankarskih usluga i usluga platnog prometa	15.330	15.625	15.320	-10	99,93
Ugovorene i druge posebne usluge	45.150	26.709	45.150	0	100,00
4. Tekući transferi	23.560.000	24.863.222	23.443.746	-116.254	99,51
Tekući transferi drugim nivoima vlasti	0	0	0	0	
Tekući transferi pojedincima	23.560.000	24.805.322	23.398.196	-161.804	99,31
Tekući transferi neprofitnim organizacijama	0	57.900	45.550	45.550	
Subvencije javnim preduzećima	0	0	0	0	
Subvencije privatnim preduzećima i poduzetnicima	0	0	0	0	
Subvencije finansijskim institucijama	0	0	0	0	
Tekući transferi u inostranstvo	0	0	0	0	
Drugi tekući rashodi	0	0	0	0	
5. Izdaci za kamate i ostale naknade	0	0	0	0	
Kamate na pozajmice primljene kroz državu	0	0	0	0	
Izdaci za inostrane kamate	0	0	0	0	
Kamate na domaće pozajmljivanje	0	0	0	0	
Izdaci za kamate vezane za dug po izdanim garancijama	0	0	0	0	
B. Kapitalni izdaci (6+7)	1.497.897	1.511.669	1.497.715	-182	99,99
6. Izdaci za nabavku stalnih sredstava	12.897	28.864	12.884	-13	99,90
Nabavka šuma, zemljišta i višegodišnjih zasada	0	0	0		
Nabavka građevina	0	0	0		
Nabavka opreme	12.897	28.864	12.884	-13	99,90
Nabavka ostalih stalnih sredstava	0	0	0	0	
Nabavka stalnih sredstava u obliku prava	0	0	0	0	
Rekonstrukcija i investiciono održavanje	0	0	0	0	
7. Kapitalni transferi	1.485.000	1.482.805	1.484.831	-169	99,99
Kapitalni transferi drugim nivoima vlade	1.485.000	1.482.805	1.484.831	-169	99,99
Kapitalni transferi pojedincima i neprofitnim organizacijama	0	0	0	0	
Kapitalni transferi neprofitnim organizacijama	0	0	0	0	
Kapitalni transferi javnim preduzećima	0	0	0	0	
Kapitalni transferi privatnim pred. i poduzetnicima	0	0	0	0	
Kapitalni transferi finansijskim institucijama	0	0	0	0	
Kapitalni transferi u inostranstvo	0	0	0	0	
C. Ostale isplate (8)	0	0	0	0	
8. Izdaci za finansijsku imovinu	0	0	0	0	
Pozajmljivanje drugim razinama vlasti	0	0	0	0	
Pozajmljivanja pojedincima i neprofitnim organizacijama i privatnim preduzećima	0	0	0	0	
Pozajmljivanje javnim preduzećima	0	0	0	0	
Izdaci za kupovinu dionica javnim preduzećima	0	0	0	0	
Izdaci za kupovinu dionica privatnim preduzećima i učešće u zajedničkim ulaganjima	0	0	0	0	
Ostala domaća pozajmljivanja	0	0	0	0	

D. Tekuća rezerva	60.550	0	0	0	
RASHODI (A+B+C+D):	27.589.850	28.805.085	27.380.271	-209.579	99,24

Rukovodstvo je Pregled rashoda budžeta za 2013. godinu odobrilo dana 26.02.2014. godine.

Ministar
Mr. sc. Adil Osmanović

Bilans stanja na dan 31.12.2013. godine

Naziv institucije: FEDERALNO MINISTARSTVO RASELJENIH OSOBA I IZBJEGLICA

Opis	31.12.2012	31.12.2013	Procenat (3/2)
1	2	3	4
A) Gotovina, kratkoročna potraživanja, razgraničenja i zalihe (1+...+8)	13.550.090	20.458.907	150,99
1.Novčana sredstva i plemeniti metali	1.035	1.336	129,08
2.Vrijednosni papiri	0	0	
3.Kratkoročna potraživanja	903.246	6.616	0,73
4.Kratkoročni plasmani	0	0	
5.Financijski i obračunski odnosi s drugim povezanim jedinicama	12.645.809	20.450.955	161,72
6.Zalihe materijala i robe	0	0	
7.Zalihe sitnog inventara	0	0	
8.Kratkoročna razgraničenja	0	0	
B) Stalna sredstva (11+14+17+18)	1.237.788	1.186.138	95,83
9.Stalna sredstva	1.971.366	1.977.031	100,29
10.Ispravka vrijednosti	733.578	790.893	107,81
11.Neotpisana vrijednost stalnih sredstava (9-10)	1.237.788	1.186.138	95,83
12.Dugoročni plasmani	0	0	
13.Ispravka vrijednosti dugoročnih plasmana	0	0	
14.Neotpisana vrijednost dugoročnih plasmana (12-13)	0	0	
15.Vrijednosni papiri	0	0	
16.Ispravka vrijednosti vrijednosnih papira	0	0	
17.Neotpisana vrijednost vrijednosnih papira (15-16)	0	0	
18.Dugoročna razgraničenja	0	0	
UKUPNO AKTIVA:	14.787.878	21.645.045	146,37
C) Kratkoročne obaveze i razgraničenja (19+...+24)	13.550.090	20.458.907	150,99
19.Kratkoročne tekuće obaveze	9.644.910	19.216.897	199,24
20.Obaveze po osnovu vrijednosnih papira	0	0	
21.Kratkoročni krediti i zajmovi	0	0	
22.Obaveze prema djelatnicima	161.679	159.597	98,71
23.Financijski i obračunski odnosi s drugim povezanim jedinicama	0	0	
24.Kratkoročna razgraničenja	3.743.501	1.082.413	28,91
D) Dugoročne obaveze i razgraničenja (25+26+27)	0	0	
25.Dugoročni krediti i zajmovi	0	0	
26.Ostale dugoročne obaveze	0	0	
27.Dugoročna razgraničenja	0	0	
E) Izvori stalnih sredstava (28+29+30+31-32)	1.237.788	1.186.138	95,83
28.Izvori stalnih sredstava	1.237.788	1.186.138	95,83
29.Ostali izvori sredstava	0	0	
30.Izvori sredstava rezervi	0	0	
31.Neraspoređeni višak prihoda nad rashodima	0	0	
32.Neraspoređeni višak rashoda nad приходima	0	0	
UKUPNO PASIVA:	14.787.878	21.645.045	146,37

Rukovodstvo je Bilans stanja na dan 31.12.2013. godine odobrilo dana 26.02.2014. godine.

Ministar
Mr.sc. Adil Osmanović